



Vedtak

---

Saksdokument:

KM 18/23 Ei heilag, allmenn kyrkje i ei uroleg – uttale frå Kyrkjemøtet. Innstilling 1 frå komité F.

KM 18.1/23 Ei heilag, allmenn kyrkje i ei uroleg – uttale frå Kyrkjemøtet. Innstilling 2 frå komité F

## Ei heilag, allmenn kyrkje i ei uroleg tid – uttale frå Kyrkjemøtet

### Komiteens merknader

1. Å kome med ein uttale er eit høve til å adressere viktige tema i vår samtid som Kyrkjemøtet bør uttale seg om. Forma på uttalen har ein eigen sjanger; det er ein sakleg argumenterande tekst som kan munne ut i konklusjonspunkt. Uttalen er skriva med utgangspunkt i overskrifta for temaet for Kyrkjemøtet i Kyrkerådets sak 27/23.
2. Komiteen har i arbeidet med uttalen gått bort i frå den opphavslege tittelen på uttalen «ei heilag, allmenn kyrkje i ei uroleg tid», og foreslår at tittelen på uttalen i staden vert «Håp i ei uroleg tid».
3. Vi ser at det er eit stort mangfald av aktuelle saker som Kyrkjemøtet med rette kan og bør uttale seg om. Komiteen meiner likevel det er naudsynt å avgrense uttalen for at den ikkje skal bli for omfattande. Komiteen viser til tidlegare Kyrkjemøte som også har gjeve viktige uttaler og teke standpunkt i ei rekke saker som kunne vore omtala. Desse har vi ikkje teke med her.
4. Komiteen ynskjer med uttalen å synleggjere at Den norske kyrkja er ei håpsrørsle som har noko å bringe inn i verda. Temaet for årets Kyrkjemøte, «Ei heilag, allmenn kyrkje», set søkelys på korleis kyrkja kan kome med håp i ei verd som er råka av uro og kriser.
5. Uttalen omtaler rapporten frå Stortingets sannings- og forsoningskommisjon som vart lagt fram 1.juni 2023. Komiteen har drøfta om uttalen i større grad skulle gå inn i funna som rapporten har gjort. Men vi meiner at Den norske kyrkja sine offisielle organ må handsame rapporten på ordinær måte for å sikre ei grundig og rettmessig handsaming og at kyrkja tek innover seg sitt ansvar før vi kan seie meir enn kva uttalen legg opp til i innstillinga.
6. Uttalen frå Kyrkjemøtet er skriva for frivillige, folkevalde og tilsette. Ho blir delt gjennom nyheitsbrev frå Den norske kyrkja. Som alle andre offentlege dokument i kyrkja, blir ho også gjort allment tilgjengeleg på kyrkja.no.
7. Komiteen takkar for endringsforslag og kommentarar i fyrstegongshandsaminga i plenum. Endringsforslag 1 er delvis ivareteke i fyrste avsnitt. Dei resterande forslaga er innarbeida i teksten.

### 1 Håp i ei uroleg tid

- 2 Kyrkja har eit bodskap om håp i ei uroleg verd. Paulus skriv i brevet til Filipperne: «Guds fred, som går
- 3 over all forstand, skal vara dykkar hjarte og tankar i Kristus Jesus.» (Fil 4,7). Kyrkja er kalla til å
- 4 forkynne denne bodskapen om håp i ei uroleg tid.

5 Kyrkja er ei håpsrørsle. Oppdraget vårt er grunngeve i Guds kjærleik til heile skaparverket og ansvaret  
6 vårt for å verne om alt det skapte. Håpet er vissa om at Gud ikkje har forlatt vår verd. Evangeliet om  
7 den oppstadne Jesus Kristus gjev næring til håpet om fred og forsoning, og kraft til endring i møte med  
8 klimakrise og urettferd.

9 Den norske kyrkja er ei folkekyrkje. Å vere folkekyrkje er mellom anna å forkynne Guds vilkårslause  
10 kjærleik, dele menneskes erfaringar og formidle Guds nærvær i det kvardagslege livet. Det som gjeld  
11 menneske, gjeld også Gud. Kyrkja opnar heilage rom for det alminnelege livet. Gud toler vår uro og  
12 bekymring.

13 **Kyrkja melder seg til teneste**

14 Konsekvensane av klimakrisa blir stadig tydelegare. I desse dagane kjenner også landet vårt på dei  
15 uføreseielege kreftene som klimaendringane fører med seg. Som kyrkje må vi kalle til omvendning og  
16 handling. Verda må stå saman og søke endring for å verne om Guds heilage skaparverk.

17 I heile verda står demokratiet under press. I nabolanda våre og i vårt eige land gjer ein førebuingar for  
18 krig og krigsliknande hendingar. Barn, ungdom og vaksne kjenner på ei uro i denne tida. Regjeringa sin  
19 totalberedskapskommisjon har teikna ut korleis Noregs beredskap skal førebuast.

20 Den norske kyrkja forvaltar store ressursar: samlingsstader, infrastruktur, folk, kompetanse, erfaring og  
21 ikkje minst ein budskap om håp som samfunnet og vi alle har bruk for. Kyrkja skal opne møteplassar og  
22 mobilisere tilsette og frivillige til beste for fellesskapet. Kyrkja både kan og vil nærre håpet i ei uroleg tid.  
23 Det viktigaste av alt er å bidra i arbeidet for rettferdig fred. Vi melder oss til teneste!

24 **Gud gir kraft til forandring**

25 Vi ynskjer å vere med og skape forandring i samfunnet slik at alle menneske kan møtast med  
26 nestekjærleik, respekt og likeverd. Skal kyrkja på ein truverdig måte kunne motverke polarisering, må  
27 alle som representerer kyrkja tale med tillit og rausheit, og med respekt for det universelle  
28 menneskeverdet som er gjeve oss av Gud.

29 Kyrkjemøtet ser med alvor på at debattklimaet blir meir polarisert og er med å bidra til framvekst av  
30 ekstremisme. Sidan 22. juli 2011 er landet vårt rysta av fleire hatmotiverte terroråtak. Skytinga som var  
31 retta mot mennesker med LHBT+ identitet i Oslo i 2022, er det siste dømet på dette.

32 **Kyrkja ynskjer forsoning ved urett**

33 Forsoningsarbeid er sentralt for kyrkja. Den norske kyrkja vil engasjere seg i forsoningsarbeid saman  
34 med urfolk og minoritetsgrupper.

35 Stortinget sin sannings- og forsoningskommisjon la fram sin omfattande rapport i juni 2023. Rapporten  
36 dokumenterer den norske statens fornorskingspolitikk mot samar, kvener/norskfinner og skogfinner.  
37 Kyrkja les rapporten med stort alvor. Den norske kyrkja har vore med på å legitimere og utføre  
38 overgrep som er dokumentert i rapporten. Rapporten er viktig for kyrkja, og han må handsamast  
39 grundig. Kyrkja skal lytte til forteljingane og gå djupt inn i den store mengda med dokumentasjon som  
40 no ligg føre.

41 **Kyrkjemøtet samla i Trondheim 2023:**

42 • Oppmodar oss alle til å arbeide for eit sakleg debattklima på tvers av usemje og ulike  
43 meiningar.

44 • Bed Kyrkjerådet om å legge til rette for ei grundig handsaming av Sannings- og  
45 forsoningskommisjonens rapport, og at Kyrkjemøtet får rapporten til handsaming.

46 • Vil arbeide for å gjenopprette øydelagde relasjonar med menneske med LHBT+ identitet som  
47 kyrkja har påført stor skade og smerte.

- 48
- 49
- 50
- Ynskjer at Den norske kyrkja deltek i landets totalberedskap.
  - Ynskjer brei oppslutnad om kyrkjevalet og takkar alle kandidatar som har stilt seg til disposisjon for årets kyrkjeval og alle frivillige og tilsette som er avgjerande for å gjennomføre kyrkjevalet.

.....

komitéleder

.....

saksordfører